



Wobzamknjenje gmejskeje rady Chrósćicy čo. 01-01/2021 dnja 21.01.2021

předmjet wobzamknjenja:

Personalne wobsadźenje Zarjadniskeho wuběrka

wěcny staw:

Na zakładže § 5 hłownych wustawkow gmejny Chrósćicy w zwisku z §§ 43 a 44 Sakskeho gmejskeho porjada ma gmejska rada po wólbach gmejskeje rady zarjadniski wuběrk wutworić.

Zarjadniski wuběrk wobsteji z wjesnjanosty, znajmnjeńša štyrjoch sobustawow a zastupjerjow w samsnej ličbje.

Na zakładže § 5 hłownych wustawkow gmejny Chrósćicy ma zarjadniski wuběrk slědowace nadawki:

1. personalne naležnosće, powšitkowne zarjadniske naležnosće
2. financne a hospodarske naležnosće inkl. dawkowe naležnosće
3. wobhospodarjenje gmejnskich ležownosćow
4. prawo

Zarjadniski wuběrk steji wjesnjanosće při spjelnjenju nadawkow poradźujo po boku.

wobzamknjenje:

Gmejska rada gmejny Chrósćicy wutwori zarjadniski wuběrk ze slědowacej zestawu:

Předsyda: wjesnjanosta Marko Kliman


Sobustawy:

Wjesela, Jan
Robel, David
Jurkowa, Katharina
Korjeńk, Marian

zast. sobustawy:

Nuk, Roman
Macka, Uwe
Šrajer, Michał
Hojer, Beno

Marko Kliman
wjesnjanosta



Wuslědk wothłosowanja:

l ličba hłosokmanyh: 12+wjesnjanosta
wot toho přitomni: 12+wjesnjanosta
haj-hłosy: 13
ně-hłosy: 0
hłosawzdaća: 0

wuzamknjene na zakładže § 20 Sakskeho gmejskeho porjada: (mjeno)

Wobzamknjenje so jednohłosnje přiwza.



Wobzamknjenje gmejskeje rady Chrósćicy č. 02-01/2021 dnja 21.01.2021

předmjet wobzamknjenja:

Personalne wobsadźenje Techniskeho wuběrka

wěcny staw:

Na zakładže § 6 hłownych wustawkow gmejny Chrósćicy w zwisku z §§ 43 a 44 Sakskeho gmejskeho porjada ma gmejska rada po wólbach gmejskeje rady techniski wuběrka wutworić.

Techniski wuběrka wobsteji z wjesnjanosty, znajmnjeńša štyrjoch sobustawow a zastupjerjow w samsnej ličbje.

Na zakładže § 6 hłownych wustawkow gmejny Chrósćicy ma techniski wuběrka slědowace nadawki:

1. planowanje twarstwa a twarstwo (wysoko- a hłubokotwar, wuměrjenje)
2. zastaranje a wotstronjenje
3. wobswětlenje dróhow, techniske zarjadowanje pućow, twarski zawod, jězdźidlowy park
4. nadržny wobchad
5. wohnjoškit kaž tež katastrofowy a ciwilny škit
6. porjad a wěstota
7. techniske hladanje gmejskich twarjenjow
8. škit wobswěta, hladanje krajiny a wudržowanje wodźiznow

Techniski wuběrka steji wjesnjanosće při spjelnjenu nadawkow poradźujo po boku.

wobzamknjenje:

Gmejska rada gmejny Chrósćicy wutwori techniski wuběrka ze slědowacej zestawu:


Předsyda: wjesnjanosta Marko Kliman

Sobustawy:

Wjenk, Benedikt
Kokla, Jurij
Hojer, Beno
Šrajer, Michal

zast. sobustawy:

Korjeńk, Marian
Wowčer, Michal
Wjesela, Jan
Herman, Guido


Marko Kliman
wjesnjanosta



Wuslědk wothłosowanja:

l ličba hłosokmanyh: 12+wjesnjanosta

wot toho přitomni: 12+wjesnjanosta

haj-hłosy: 13

ně-hłosy: 0

hłosawzdaća: 0

wuzamknjene na zakładže § 20 Sakskeho gmejskeho porjada: (mjeno)

Wobzamknjenje so jednohłosnje přiwza.



Wobzamknjenje gmejskeje rady Chrósćicy č. 03-01/2021 dnja 21.01.2021

předmjet wobzamknjenja:

Wólby zastupjerjow do zwjazkoweje zhromadźizny Zaměroweho zwjazka za wopłóčki „Při Klóšterskej wodže“

wěcny staw:

Na zakładže § 2 wotst. 1 wustawkow Zaměroweho zwjazka za wopłóčki „Při Klóšterskej wodže“ w zwizku z § 52 Sakskeho zakonja wo zhromadne komunalne dźěło ma zwjazkowa zhromadźizna slědowacu personalnu zestawu:

- wjesnjanosća sobustawskich gmejnow
- 4 zastupjerjo gmejny Porchow
- 3 zastupjerjo gmejny Pančicy-Kukow
- přeco dwaj zastupjerjej gmejnow Chrósćicy, Worklecy a Ralbicy-Róžanta

Zastupjerjo gmejnow so přez gmejsku radu za čas wólbneje peridy wola.

Na zakładže § 4 wotst. 3 wustawkow Zaměroweho zwjazka za wopłóčki ma zwjazkowa zhromadźizna slědowace nadawki:

1. změna wustawkow z 2/3 wjetšinu
2. postajenje dalších wustawkow, wosebje hospodarskeho plana a postajenje hospodarskeho pruwowarja za kónčne lětne wotličenje
3. wólba předsydy Zarjadniskeho zwjazka a zastupjerja po kóždyj prawidłownej wólbje wjesnjanostow
4. přistajenje a pušćenje přistajenych (jednaćel, dalši personal) po městnowym planje
5. wobzamknjenje wo twarje, rozšěrjenju a zběhnjenju zarjadnišćow a dalše naprawy Zaměroweho zwjazka za wopłóčki ze zasadnym woznamom

wobzamknjenje:

Gmejska rada gmejny Chrósćicy woli scěhowacych zastupjerjow do zwjazkoweje zhromadźizny Zaměroweho zwjazka za wopłóčki „Při Klóšterskej wodže“.


Sobustawy:

Wjesela, Jan
Robel, David

zast. sobustawy:

Hermann, Guido
Šrajer, Michał


Marko Kliman
wjesnjanosta



Wuslědk wothłosowanja:

I ličba hłosakmanych: 12+wjesnjanosta
wot toho přítomni: 12+wjesnjanosta
haj-hłosy: 13
ně-hłosy: 0
hłosawzdaća: 0
wuzamknjene na zakładže § 20 Sakskeho gmejskeho porjada: (mjeno)
Wobzamknjenje so jednohłosnje přiwza.



Wobzamknjenje gmejskeje rady Chrósćicy č. 04-01/2021 dnja 21.01.2021

předmjet wobzamknjenja:

Stejišćo wo rozšěrjenju pódlanskeho twarjenja za wužiwanje jako garaža na ležownosćomaj 53 b a 53/11 w Hórkach

wěcny staw:

Twarskej knjezaj Heiko a Manuela Gneuß wotpohladujetaj rozšěrjenje pódlanskeho twarjenja za wužiwanje jako garaža na ležownosćomaj 53 b a 53/11 w Hórkach. Próstwa wo twarsku dowolnosć bu poła Budyskeho krajnoradneho zarjada, delni twarski zarjad, zapodata. Ze stron gmejskeje rady je za připóznawanske jednanje twarskeho předewzaća stejišćo trěbne.

Zwěšćenja při wobdźěłanju:


1. Twarske předewzaće je po § 34 wotst. 1 BauGB móžne a so po wašnju a rozměrje twarskeho wužiwanja kaž tež wulkosći přetwarjenskeje płoniny do wokoliny hodži. Wotkryće je zawěšćene, žadanja na strowe bydlenske a džělowe poměry so wobkedźbujaja a wobraz gmejny so njewobwliwujaja. Twarske předewzaće wotpowěduje po § 6 wotst. 2 č. 1 BauNVO wosebitosći blišje wokoliny jako měšana kónčina.

2. Kanal k wotwjedženju spadkoweje wody na ležownosći njeeksistuje. Wotwjedženje spadkoweje wody do wotwodženja dróhi njeje móžne. Wotwjedženju spadkoweje wody na zjawnu dróhu ma so z kmanymi napravami zadźěwać. Spadkowa woda ma na ležownosći zawostać.

wobzamknjenje:

Gmejnska rada gmejny Chrósćicy wuprajaj přezjednosć gmejny a přihłosujaja twarskemu předewzaću.

Marko Kliman
wjesnjanosta



přiložba

Wuslědk wothłosowanja:

l ličba hłosokmanyh:	12+wjesnjanosta
wot toho přítomni:	12+wjesnjanosta
haj-hłosy:	13
ně-hłosy:	0
hłosawzdaća:	0

wuzamknjene na zakładže § 20 Sakskeho gmejskeho porjada: (mjeno)
Wobzamknjenje so jednohósnje přiwza.



Wobzamknjenje gmejskeje rady Chrósćicy č. 05-01/2021 dnja 21.01.2021

předmjet wobzamknjenja:

Stejišćo k wutwarjenju třěšneho poschoda a natwarej wutwarkow na ležownosći 126/6 w Chrósćicach

wěcny staw:

Twarskej knjezaj Richard a Diana Paškec wotpohladujetaj wutwar třěšneho poschoda a natwar wutwarkow na ležownosći 126/6 w Chrósćicach. Próstwa wo twarsku dowolnosć bu pola Budyskeho krajnoradneho zarjada, delni twarski zarjad, zapodata. Ze stron gmejskeje rady je za připóznawanske jednanje twarskeho předewzaća stejišćo trěbne.


Zwěšćenja při wobdźělanju:

Twarske předewzaće je planowane we wobłuku płaćiwosće wujasnjenkich wustawkow gmejny Chrósćicy, wotpowěduje teje zapožženjam a je z tym po § 34 wotst. 4 č. 1 twarskeho zakonja dowolene.

wobzamknjenje:

Gmejnska rada gmejny Chrósćicy wupraji přezjednosć gmejny a přihłosuje twarskemu předewzaću.

Marko Kliman
wjesnjanosta



přiloha

Wuslědk wothłosowanja:

l ličba hłosokmanyh: 12+wjesnjanosta

wot toho přítomni: 12+wjesnjanosta

haj-hłosy: 13

ně-hłosy: 0

hłosawzdaća: 0

wuzamknjene na zakładze § 20 Sakskeho gmejskeho porjada: (mjeno)

Wobzamknjenje so jednohósnje přiwza.



Wobzamknjenje gmejnskeje rady Chrósćicy č. 06-01/2021 dnja 21.01.2021

předmjet wobzamknjenja:

Wobzamknjenje wo wotpohledže, džělnje sćazać wjesne dróhi „Při pastyrni“, „Při Satkuli“ a „Cyrkwinska hora“ w Chrósćicach

wěcny staw:

Po § 8 wotst. 2 sada 2 SächsStrG je džělnje sćazanje dróhi dowolene, hdyž so naslědne wobmjezowanje wěnowanja na wěste zaměry wužiwanja abo wašnje wužiwanja z přewažnych přičinow zjawneho dobra zapołoža.

Potrjehene su gmejnske ležownosće č. 66/1, 66/2, 99/0, 102/0 a 110/3 wjeski Chrósćicy cyłkownje resp. džělnje wotpowědnje zapisanju jako přiłoha w připoloženym planje ležownosćow. Přiłoha je wobstatk tutoho wobzamknjenja. Gmejna Chrósćicy je nošer twarskeje winy wjesnych dróhow „Při pastyrni“, „Při Satkuli“ a „Cyrkwinska hora“. Z wotpohladanym sćazanjom ma šo kruh wužiwarjow dodatnje na mjenowane, jako zjawnje wěnowane plaćace dróhi wobmjezować. Tak ma so wužiwanje dróhow z jězdźidłami z wahu nad 9 tonami zakazać. Dodatne wobmjezowanje (džělnje sćazanje) stanje so z přičin, wobchad změrować a redukować wobchadne počezowanje dróhow, kotrež njesu za wyše wahi wukmanjene a tak tute připodobnić nadržnym wuměnjenjam za wobmjezowanje na wobchad hač do 9 tonow. (wuchowanske jězdźidla kaž tež jězdźidla k zastaranju a wotwožowanju su z tutoho rjadowanja wuwzate).


Džělnje sćazanje dróhow „Při pastyrni“ (BV-Nr: 16, Blatt-Nr. 11), „Při Satkuli“ (BV-Nr. 14, Blatt-Nr. 9) a „Cyrkwinska hora“ (BV-Nr. 13, Blatt-Nr. 8) we wjesce Chrósćicy ma so na slědowace družiny wobchada resp. wužiwanske zaměry wobmjezować: Wobchad hač do 9 tonow swobodny.

Wotpohlad džělneho sćazanja so tři měsacy do časa zjawnje wozjewi a so na gmejnje Chrósćicy a na Zarjadniskim zwjazku „Při Klósterskej wodže“ wupoloži, zo by móžnosť znapřećiwjenja data była.

wobzamknjenje:

Gmejnska rada gmejny Chrósćicy wobzamknje horjeka bliže wopisany wotpohlad džělneho sćazanja za wjesne dróhi „Při pastyrni“, „Při Satkuli“ a „Cyrkwinska hora“ w Chrósćicach z wobmjezowanjom na slědowace wobchadne družiny resp. wužiwanske zaměry: Wobchad hač do 9,0 tonow swobodny.

Marko Kliman
wjesnjanosta



přiłoha

Wuslědk wothłosowanja na zadnej stronje:



Wuslědk wothłosowanja:

l ličba hłosokmanyh: 12+wjesnjanosta
wot toho přitomni: 12+wjesnjanosta
haj-hłasy: 11
ně-hłasy: 1
hłosawzdaća: 1

wuzamknjene na zakładže § 20 Sakskeho gmejnskeho porjada: (mjeno)
Wobzamknjenje so wjacehłósnyje přiwza.



Wobzamknjenje gmejskeje rady Chrósćicy č. 07-01/2021 dnja 21.01.2021

předmjet wobzamknjenja:

Přiwzaće a posrědkowanje pjenježnych abo wěcnych darow a podpěrow w hódnoće nad 1.000 €

wopisanje wobstejnósće:

Na zakładze § 73 wotst. 5 Sakskeho gmejskeho porjada móža gmejny k spjelnjenju nadawkow po § 1 wotst. 2 Sakskeho gmejskeho porjada dary a podobne podpěry přiwzać abo na třećich posrědkować, kiž so na spjelnjenju nadawkow po § 1 wotst. 2 Sakskeho gmejskeho porjada wobdžěla. Z přičiny transparency rozsudži gmejska rada wo přiwzaću abo posrědkowanju dara w zjawnej zhromadźiznje. Jeli chce darićel napřečo zjawnosće anonymny wostać, su wuwzaća móžne. W tutym padže je wobzamknjenje w njezjawnej zhromadźiznje móžne.


Próstwu wo wupisanje wopisma staji:

darićelka: E. Ziegler Metallbearbeitung GmbH,
Přemysłowy park při jězorje, 01920 Njebjelčicy
hódnota dara: 4.988,00 €
zaměr dara: suwadle za hrajkanišća gmejny Chrósćicy

wobzamknjenje:

Gmejska rada gmejny Chrósćicy wobzamkne, wěcny dar přiwzać.

Marko Kliman
wjesnjanosta



Wuslědk wothłosowanja:

l ličba hłosokmany: 12+wjesnjanosta
wot toho přitomni: 12+wjesnjanosta
haj-hłosy: 13
ně-hłosy: 0
hłosawzdaća: 0
wuzamknjene na zakładze § 20 Sakskeho gmejskeho porjada: (mjeno)
Wobzamknjenje so jednohłosnje přiwza.